



BOSNA I HERCEGOVI NA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu i inspekcije

Tel: 032 650 022
032 650 390
Fax: 032 650 220

www.opcina-tesanj.ba
E-mail: optesanj@bih.net.ba
hamzalija.hojkuric@opcina-tesanj.ba



Trg Alije Izetbegovića 11,
74260 Tešanj

Broj:04-18-1-3428-14/11

Datum: 10.01.2012. god.

- MZ KALOŠEVIĆ-Predsjednik Skupštine i Predsjednik Savjeta
- Kolegij Općinskog vijeća-Esmir Subašić
- Udruženje ribolovaca „Blinker“-Ramiz Skopljak
- Udruženje privrednika- Zgrada Vemal-a, Tešanj

PREDMET:Poziv na raspravu u realizaciji procedure utvrđivanja javnog interesa za dodjelu koncesije,-

U realizaciji procedure dodjele koncesije, Kantonalno ministarstvo za privredu, u skladu s odredbama Zakona o koncesijama i Zakona o principima lokalne samouprave, na osnovu kojih Općinsko vijeće Tešanj ima nadležnost da vrši politiku upravljanja prirodnim resursima i raspodjelom sredstava ostvarenih na osnovu njihovog korišćenja na teritoriju koji je definisan općinskim granicama, zatražilo je svojim aktom broj:04-18-4346-1/11 od 12.09.2011. godine saglasnost za dodjelu koncesije na istraživanje i eksploataciju mineralnog resursa dijabaza na lokalitetu „Krtović“ općina Tešanj, u površini od 60.250 m², na parcelama označenim kao k.p. broj:1082 zvana „Krtović“, Kalošević - majdan upisana u PL broj 118 K.O. Kalošević kao posjed JP „Šumarstvo“ Tešanj sa dijelom 1/1 i k.p. broj:1085 zvana „Krtović“, Kalošević-šuma 3. klase upisana u PL broj 118 K.O. Kalošević kao posjed JP „Šumarstvo“ Tešanj sa dijelom 1/1.

Uz zahtjev za davanje saglasnosti na dodjelu koncesije, dostavljena je:

- Studija o ekonomskoj opravdanosti dodjele koncesije na istraživanju i eksploataciju mineralnog resursa-dijabaza na lokalitetu Krtović-Kalošević u općini Tešanj.

Svojim aktom Ministarstvo za privredu posebno je insistiralo na tome da suglasnost treba da odgovori na pitanja vezana za stanje i status zemljišta (istražno-eksploatacionog polja) sa stanovišta:

- zemljišnih knjiga i katastra sa vlasničkom strukturom,
- Prostornog plana Općine,
- sa aspekta zaštite historijskog i kulturnog nasljeđa,
- sa aspekta sanitarne zaštite izvorišta voda koje se koriste ili su planirane da se koriste za piće ili izgradnje vodovodnih objekata.

Imajući u vidu izloženo Služba za finansije, privredu i inspekcije obezbijedila je od nadležnih općinskih službi potrebne podatke te na osnovu toga i dostavljene Studija pripremila Prijedlog odluke o davanju saglasnosti.

Nakon uručenja usvojene Odluke MZ Kalošević uputila je primjedbe na Odluku o davanju saglasnosti u kojoj između ostalog ističe i činjenicu da u postupku donošenja odluke nisu uključeni u postupak.

Služba za finansije, privredu i inspekcije je pripremajući podatke za odgovor Mjesnoj zajednici Kalošević, ostvarila i kontakt sa Kantonalnim Ministarstvom za privredu i ustanovila da je

Ministarstvo odustalo od dosadašnje prakse i nema namjeru nakon donošenja odluke o davanju saglasnosti provoditi javnu raspravu koja bi uključila mještane Kaloševića u postupak davanja saglasnosti (kao u slučaju "Jašarević-kop", „Hamik“, „Kanalica-Građevinarstvo“).

Imajući u vidu izloženo Općinsko vijeće Tešanj je na svojoj 35 sjednici usvojilo Odluku o stavljanju van snage Odluke o davanju saglasnosti na dodjelu koncesije na istraživanje i eksploataciju mineralnog resursa dijabaza na lokalitetu „Krtović“ do donošenja nove.

Shodno tome pozivamo vas da **30.01.2012. godine u 14,00 u sali Općinskog vijeća Tešanj** prisustvujete raspravi o mogućnosti dodjele koncesije na istraživanje i eksploataciju mineralnog resursa dijabaza na lokalitetu „Krtović“.

U prilogu dostavljamo Studija o ekonomskoj opravdanosti dodjele koncesije na istraživanju i eksploataciju mineralnog resursa-dijabaza na lokalitetu Krtović-Kalošević u općini Tešanj.

Dostavljeno:

- 1.Imenovani,
- 2.a/a

POMOĆNIK OPĆINSKOG NAČELNIKA

Hamzaliya Hojkurić,dipl.ecc.